

HALI YA UPATIKANAJI WA HUDUMA YA MAJI HALMASHAURI YA WILAYA YA MASASI

Halmashauri ya wilaya ya Masasi inatekeleza miradi ya maji katika vijiji kupitia Programu ya Maendeleo ya Sekta ya Maji (WSDP). Program hii inafadhiliwa na wahisani mbalimbali wa Maendeleo kama World Bank. Pia utekelezaji wa Miradi ya maji vijijini umeingizwa kwenye mpango wa **Big Result Now (BRN)**.

Halmashauri hadi sasa ina jumla ya Visima 97 kati ya hivyo vinavyofanya kazi ni visima 81 na vibovu ni 16. Kupitia Programu ya Sekta ya Maji imetekeleza miradi ya Maji (10) Kumi kama ifuatavyo:-

1. Ujenzi wa mradi wa maji Mkululu-Mpopo

Mradi huu unawawezesha wananchi wa vijiji vya Mkululu, majengo, mpopo, mbugo, Chipunda, Mfuto, Mnolela, Lusonje, Mkundi, Kupata huduma ya maji safi na salama. Mradi huu una thamani ya jumla ya fedha Tsh. 1,257,479,779 na umekamilika kwa asilimia 97. Utekelezaji uliofanyika mpaka sasa ni Ukarabati wa Tanki la ukubwa wa lita 200,000 Ujenzi wa DP 63, Bomba kuu km 19.34, ujenzi wa line ya kusambaza maji kwenda kwa walaji km 9.68, Kujenga tank la lita 1000 la kuvunia maji ya mvua, ujenzi wa nyumba ya pump ya maji na ununuzi wa pump ya kusukuma maji, ufungaji wa transform ya umeme, ujenzi wa ofisi ya Jumuiya ya maji pamoja na ufungaji wa mita za kusomea maji.

2. Ujenzi wa mradi wa maji Mkululu-Majembe.

Mradi huu unawawezesha wananchi wa vijiji vya Majembe, Miba na Syenjela Kupata huduma ya maji safi na salama. Mradi huu una thamani ya jumla ya fedha Tsh. 960,079,374.2 na umekamilika kwa asilimia 90. Utekelezaji uliofanyika mpaka sasa ni Ujenzi wa line kuu ya maji km 7.6, ujenzi wa line ya kusambaza maji kwa walaji km 3.74, ujenzi nyumba ya pump, ukarabati wa weir (chanzo cha maji), ujenzi wa tanki la kuvunia maji ya mvua lita 1000, ujenzi wa choo cha mlinzi, ukarabati wa tanki la lita 50,000 katika kijiji cha Miba, ufungaji wa pump ya maji

3. Ujenzi wa mradi wa maji Mpindimbi - Shaurimoyo

Mradi huu unawawezesha wananchi wa vijiji vya Mpindimbi, Shaurimoyo, Kanyimbi, Kachepa na Mapare kupata maji na salama. Mradi huu una thamani ya jumla ya fedha Tsh. 1,791,353,368.19 na umekamilika kwa asilimia 99. Utekelezaji uliofanyika mpaka sasa ni Ujenzi wa chanzo cha maji (weir), ujenzi wa tank la lita 150,000, ujenzi wa matank 2 ya lita 100,000, ukarabati wa tank la lita 100,000, ujenzi wa line kuu ya maji km 20, ujenzi wa line ya kwenda kwa walaji 15.94, ujenzi wa vituo vya kuchotea maji 29, ukarabati wa tanki la Shaurimoyo lita 250,000 pamoja na ufungaji wa mita za kusomea maji.

4. Ujenzi wa mradi wa maji chipingo, manyuli, mkaliwata

Mradi huu utawawezesha wananchi wa vijiji vya Chipingo, Manyuli, Mkaliwata na Namyomyo kupata huduma ya maji safi na salama. Mradi huu una thamani ya jumla ya fedha Tsh. 2,729,749,876.6 na umekamilika kwa asilimia 70. Utekelezaji uliofanyika mpaka sasa ni Ujenzi wa line kuu ya maji km15.2, ujenzi wa line ya kusambaza maji km 13.753, ujenzi wa tank la lita 100,000, ukarabati wa tanki la lita 25,000, ujenzi wa matank 5 ya kuvunia maji ya mvua lita 1000, ujenzi wa nyumba ya pump, kununua na kuweka pump ya kusukuma maji.

5. Ujenzi wa mradi wa maji Nanganga

Mradi huu unawawezesha wananchi wa vijiji vya Nanganga, Chipite, Mkangu na Namihungo kupata maji safi na salama. Mradi huu una thamani ya jumla ya fedha Tsh. 802,412,085.6 na umekamilika kwa asilimia 100. Utekelezaji uliofanyika mpaka sasa ni Ujenzi wa tenki kuu la lita 50,000, Ujenzi wa tenki la lita 15,000, Ujenzi wa DP 34, Uchimbaji wa mitaro na ulazaji wa bomba kuu km 14.5, Uchimbaji wa mitaro na ulazaji wa mabomba ya usambazaji km18 Ujenzi wa wiya umekamilika, Ujenzi wa Pamp house, ujenzi wa Kisima cha maji (Sump), Ujenzi wa valve chamber 11 eneo la Nanganga na ufungaji wa mita za kusomea maji.

6. Kukarabati mradi wa maji wa Chiwambo – Nagaga

Mradi huu unawawezesha wananchi wa vijiji vya Chiwambo, Lulindi, Luagala na Nagaga kupata maji safi na salama. Mradi huu una thamani ya jumla ya fedha Tsh. 1,382,040,000 na umekamilika kwa asilimia 85. Utekelezaji uliofanyika mpaka sasa ni Ulazaji wa bomba la 8" umbali wa km 15, Kulaza line ya maji 3" umbali wa km 3.3, kulaza line ya 6" umbali wa km 3.6, kulaza line ya 4" umbali wa m 400

7. Kukarabati mradi wa maji Nagaga- Mpeta

Mradi huu unawawezesha wananchi wa nagaga na mpeta kupata maji safi na salama. Mradi huu una thamani ya jumla ya fedha Tsh. 1,629,939,409 na umekamilika kwa asilimia 95. Utekelezaji uliofanyika mpaka sasa ni Ujenzi wa line kuu ya maji km21, ujenzi wa line ya maji kwenda kwa walaji km 23 umekamilika, ujenzi wa vituo vya kuchotea maji 21 umekamilika, ujenzi wa viosk unaendelea, ukarabati wa matank 2 ya lita 25,000 unaendelea

8. Kujenga miundombinu ya maji katika kijiji cha chiungutwa

Mradi huu unawawezesha wananchi wa chiungutwa kupata maji safi na salama. Mradi huu una thamani ya jumla ya fedha Tsh 215,387,700. na umekamilika kwa asilimia 100 na upo kwenye matazamio. Utekelezaji uliofanyika ni Ujenzi wa raiser mita 9, Ujenzi wa DP 13 umekamilika, Ujenzi wa bomba la usambazaji wa maji km 4.233 umekamilika, Ukarabati wa tanki la lita 25,000 umekamilika.

9. Ujenzi wa mradi wa maji Mwena-Liloya

Mradi huu utakapo kamilika utawawezesha wananchi wa kata za Kuwezesha wananchi wa kata za Mwena,Chikundi,Chikukwe na Chigugu kupata maji safi na salama .Mradi huu una thamani ya jumla ya fedha Tsh 4,413,000,176.57. na umekamilika kwa asilimia 52 .Utekelezaji uliofanyika hadi sasa ni uchimbaji wa mitaro na ulazaji wa mtandao wa bomba kuu 8" km 9 umekamilika, ulazaji wa line ya 6"km 5 umekamilika ujenzi wa tanki la Chikundi lita 100,000 unaendelea, ujenzi wa tank la lita 100,000 Mwena unaendelea, ukarabati wa matanki 2 ya lita 250,000 unaendelea.

10. Ujenzi wa mradi wa maji Makong'onda -Rivango.

Mradi huu ukikamilika utawezesha wananchi wa vijiji vya Makon'gonda, Mkwaya,Nakarara na Rivango kupata maji safi na salama.Mradi huu una thamani ya jumla ya fedha 1,418,990,000 na umakamilika kwa asilimia 64.Utekelezaji uliofanyika hadi sasa ni Ulazaji wa bomba kuu umbali wa km 18,500 umekamilika, Kulaza bomba ya maji kwenda kwa watumiaji umbali wa km 11,506 umekamilika, ukarabati wa tanki kuu la Mkwaya lita 200,000 unaendelea, ukarabati wa tanki la lita 90,000 la Rivango uanendelea, ujenzi wa tanki la chanzo cha mkwaya lita 50,000 unaendelea, ujenzi wa visima 12 vya maji upo 90%, ujenzi tank la lita 100,000 Nakarara unaendelea, ujenzi wa tanki la lita 1,050,000 Chiwambo unaendelea .